



第一三四九冊

四庫全書

●上海古籍出版社

上海古籍出版社

本冊目次

萬首唐人絕句
聲畫集

宋洪邁編……………一
宋孫紹遠編……………八〇五

第一三四次冊

欽定四庫全書

集部
萬首唐人絕句卷一
三

詳校官庶吉士臣柳道祖

助教臣常循覆勘

總校官編修臣王燕緒

校對官編修臣勵守謙

謄錄監生臣何大士

欽定四庫全書

集部八

萬首唐人絕句

總集類

提要

臣等謹案萬首唐人絕句一百卷宋洪邁

編邁有容齋隨筆已著錄邁於淳熙間錄

唐五七言絕句五千四百首進御後復補輯

得滿萬首為百卷紹熙三年上之是時降勅

褒嘉有選擇甚精備見博洽之論陳振孫書

欽定四庫全書

萬首唐人絕句

錄解題謂其中多採宋人詩如李九齡郭震

滕白王岳王初之屬其尤不深考者為梁何

遜劉克莊後村詩話亦謂其但取唐人文集

雜說抄類成書非必有所去取蓋當時瑣屑

摭拾以足萬首之數其不能精審勢所必然

無怪後人之排詆至程秘洎水集責邁不應

以此書進御則與張拭詆呂祖謙不應編文

鑑同一偏見論雖正而實迂矣是書原本一

百卷每卷以百首為率今考書中有一卷而
百餘首者有一卷而不及百首者又七言原
缺第十八十九二十二十一二十二五言原
缺第十七二十三二十四二十五共九卷無
可校補今亦仍之焉乾隆四十六年十月恭
校上

欽定四庫全書

萬首唐人絕句

總纂官臣紀昀臣陸錫熊臣孫士毅
總校官臣陸費墀

萬首唐人絕句詩序

淳熙庚子秋邁解建安郡印歸時年五十八矣身入老
境眼意倦罷不復觀書惟時時教釋兒誦唐人絕句則
取諸家遺集一切盤疊凡五七言五千四百篇手書為
六帙起家守婺齋以自隨踰年再還朝侍壽皇帝清燕
偶及宮中書扇事聖語云比使人集錄唐詩得數百首
邁因以昔所編具奏天旨驚其多且今以元本進入蒙
宣讀復古殿書院又四年來守會稽間公事餘分又討
欽定四庫全書

萬首唐人絕句

理向所未盡者唐去今四百歲考藝文志所載以集著
錄者幾五百家今並及半而或失真如王涯在翰林同
學士令狐楚張仲素所賦宮詞諸章乃誤入於王維集
金華所刊杜牧之續別集皆許渾詩也李益返照入閨
巷愁來與誰語一篇又以為耿漳崔魯白首成何事無
歡可替愁一篇又以為張蠊以薛能郎平瓜地入吾廬
一篇為曹鄴以狄歸昌馬嵬坡下柳依依一篇為羅隱
如是者不可勝計今之所編固亦不能自免然不暇正

又取郭茂倩樂府與稗官小說所載仙鬼諸詩撮其可
讀者合為百卷刻板蓬萊閣中而識其本末於首紹熙
元年十一月戊午煥章閣學士宣奉大夫知紹興軍府
事兩浙東路安撫使魏郡公洪邁序

越府所刻七言至二十六卷五言至二十卷而奉
祠歸鄞陽惟書不可以不成乃雇藝匠續之于容
齋旬月而畢二年十一月戊辰邁序

欽定四庫全書

萬曆府人絕句

二

重華宮投進劄子

臣以么麼餘生獲安故里竊特隆遇冒昧有陳臣頃歲
備數禁廷得侍清閒之燕因及手寫唐人絕句詩即蒙
聖旨許令進入是時纔有五十四卷去年守越嘗于公
庫鏤板未及了畢奉祠西歸家居無事又復搜討文集
傍及傳記小說遂得滿萬首分為百卷輒以私錢雇工
接續雕刻今已成書謹裝褫一部遣人恭詣道進司伺
候投進凡目錄一冊七言十五冊五言五冊共二十一

欽定四庫全書

萬曆府人絕句

一

冊用匣盛貯伏望聖慈特賜宣取于犯宸嚴臣無任惶

懼聞越昧死之至取進止

南內於清閒之燕上添
入至尊壽聖聖帝六字

貼黃上件詩集七言二十六卷以前五言

二十卷以前係紹興府所刻臣臨行時倉

卒印造紙剝多不精續後點檢得有錯誤

處只用雕黃塗改今來無由別行修換以

之進御實為不謹臣不勝戰懼俟罪之至

仰乞聖察

紹熙三年三月進蒙壽聖聖
帝走賜下奏人錢三十貫文

重華宮宣賜白劄子

得奇皇聖帝聖旨宣諭閣學比觀向所進唐詩絕句選
擇甚精備見博洽今賜茶一百盃清馥香一十貼薰香
二十貼金器一百兩

二月 日 安仁 禮 回 汝弼恭承

左武大夫利州觀察使提舉佑神觀 重華宮同提點盧安仁

親衛大夫保信軍承宣使 重華宮提點閻 禮

中亮大夫安慶軍承宣使 重華宮提點吳 回

欽定四庫全書

唐書八紀句
卷四

正侍大夫昭慶軍承宣使 重華宮提點霍汝弼

謝表

臣邁言伏蒙聖恩遣東義郎重華宮祇應耿柎以三月

一日到饒州齋提舉官霍汝弼等白劄子得聖旨宣諭

臣比觀向所進唐詩絕句選擇甚精備見博洽今賜茶

一百盃清馥香一十貼薰香二十貼金器一百兩臣即

時出城迎拜還家望闕謝恩祇受訖膚使馳報錫耀

綸章之渥精銀製器寶苑兼貢若之珍光塞門闌驛傾

里社臣邁中謝伏念臣愚無所用老自宜休與佛有緣

曾是靈山之下走事君畫禮積承溫室之隆知頃因心好

於唐文輟兩手編於詩律嘗蒙宣索每恨疎蕪比歲旁

搜遂及萬篇之富成書上奏幸慶乙夜之觀敢覲華裒

更加異寵得黃金百初微季布之名復白圭三不慮南

容之玷允謂非常之賜真為不朽之榮茲蓋恭遇至尊

壽皇聖帝陛下味道希夷儲神昭曠為天子父既超大

有之尊以聖人才尚錄小成之技坐令龜鎖沐此恩輝

欽定四庫全書

唐書八紀句
卷四

臣拜舞以還怔營自失如雲如日應無就望之期若子

若孫唯誓糜捐之報

別奏劄子

臣邁遠威頗忽馬六載念以公厯之質被蒙眷知度越

輩流可為希世之遇鈞天夢斷無復可尋罷越還家杜

門屏迹自去春投進唐詩一伸奏牘之後不敢妄以孤

遠姓名復塵淵几誠不自意思從天來顛降使車盼之

珍賜玉音褒諭金寶爛然榮光非常道路駭矚益自鄙

陽有郡以來所未之見陛下脫屣北宮遺物離人而立於獨予以馭幸寥寥弗聞臣獨何人邀在千里之外乃拜殊渥焚香望闕盡室歡呼捧玩之餘感極以泣已具表稱謝外復此手劄少摠螻蟻之誠臣竊不自揆再有昧死之請向者蒙賜野處二大字既已摹勒作碑揭于小園往來觀瞻無不稽首今祇戴恩華巍巍卓異思欲有以夸示無極輒摠聖諭中博洽兩字建為一堂妄意長夏之始殿閣餘涼游戲翰墨之間敢乞憐臣區區之

欽定四庫全書

萬曆庚子人範句
奏謝

四

愚貴以博洽堂三字受言藏之使子子孫孫朝暮瞻仰臣年過七十無復他榮癡庸有求罪當萬死伏惟聖慈曲垂寬貸引望黼宸無翼以期不勝感恩感德隕越激切之至

奏耿柵不受書送劄子

臣茲勤使者遠至榮耀非常在于故事當有薄禮欲以銀百兩充書送楮幣百千犒從人而耿柵再三退却以為聖旨不許收接無以展區區下悃臣不勝惶懼感戴

之極須至奏聞者

謝南內奏狀

右臣伏蒙至尊壽皇聖帝聖恩特降專使東義郎重華宮祇應耿柵以三月一日至饒州齊霍汝弼等白劄子傳聖旨宣諭以臣向所進唐詩絕句賜臣茶一百夸清馥香一十貼薰香二十貼金器一百兩臣已即時出州城迎拜還家望闕祇受託上件異數出自聖恩臣無任感天荷聖激切屏營之至謹錄奏謝以聞謹奏

欽定四庫全書

萬曆庚子人範句
奏謝

五

紹熙四年三月 日煥章閣學士宣奉大夫提舉隆興府玉隆萬壽宮觀郡開國公食邑二千五百戶食實封二百戶臣洪邁狀奏

欽定四庫全書

萬首唐人絕句卷二

七言

宋 洪邁 編

贈李白

杜甫

秋來相顧尚飄蓬，未就丹砂愧葛洪。
痛飲狂歌空度日，飛揚跋扈為誰雄。

三絕句

欽定四庫全書

萬首唐人絕句

欽定四庫全書

萬首唐人絕句

二

楸樹馨香倚釣磯，斬新花葉未應飛。
不如醉裏風吹盡，可忍醒時雨打稀。

門外鷓鴣去不來，沙頭忽見眼相猜。
自今已後知人意，一日須來一百回。

無數春筍滿林生，柴門密掩斷人行。
會須上卷看成竹，客至從嗔不出迎。

漫興九首

眼見客愁愁不醒，無賴春色到江亭。
即遣花開深處次，

便覺鶯語太丁寧

手種桃李非無主，野老牆低還是家。
恰似春風相欺得，夜來吹折數枝花。

熟知茅齋絕低小，江上鷺子故來頻。
啣泥點污琴書內，更接飛蟲打著人。

二月已破三月來，漸老逢春能幾回。
莫思身外無窮事，且盡生前有限杯。

腸斷春江欲盡頭，杖藜徐步立芳洲。
顛狂柳絮隨風去，輕薄桃花逐水流。

輕薄桃花逐水流

懶慢無堪不出村，呼兒日在掩柴門。
蒼苔濁酒林中靜，碧水春風野外昏。

糝徑楊花鋪白毯，點溪荷葉疊青錢。
筍根稚子無人見，沙上鳬鶩傍母眠。

舍西柔桑葉可拈，江畔細麥復纖纖。
人生幾何春已夏，不放香醪如蜜甜。

隔戶楊柳弱娑娑，恰似十五女兒腰。
誰謂朝來不作意，

狂風挽斷最長條

贈花卿

錦城絲管日紛紛半入江風半入雲此曲祇應天上有
人間能得幾回聞

少年行

馬上誰家白面郎臨墻下馬坐人牀不通姓字龐豪甚
指點銀瓶索酒壺

覓挑裁

欽定四庫全書

卷一

奉乞挑栽一百根春前為送浣花村河陽縣裏雖無數
濯錦江邊未滿園

覓綿竹

華軒藹藹化年到綿竹亭亭出縣高江上舍前無此物
幸分蒼翠拂波濤

覓植木栽

草堂暫西無樹林非子誰復見幽心飽聞植木三年大
與致溪邊十畝陰

覓松樹子

落落出羣非櫟柳青青不打豈楊梅欲存老蓋千年意
為覓霜根數寸栽

覓果栽

草堂少花今欲栽不問綠李與黃梅石筍街中却歸去
果園坊裏為求來

贈鄭鍊赴襄陽

鄭子將行罷使臣囊無一物獻尊親江山路遠羈離日
欽定四庫全書

卷一

裘馬誰為感激人

江畔獨步尋花七絕句

江上被花惱不徹無處告訴只顛狂走覓南鄰愛酒伴
經旬出飲獨空牀

稠花亂葉裏江濱行步歌危實怕春詩酒尚堪驅使在
未須料理白頭人

江深竹靜兩三家多事紅花映白花報春春光知有處
應須美酒送生涯

東望少城花滿煙，百花高樓更可憐。誰能載酒開金盞，喚取佳人舞繡筵。

黃師塔前江水東，春光懶困倚微風。桃花一簇開無主，可愛深紅映淺紅。

黃四娘家花滿蹊，千朵萬朵壓枝低。留連戲蝶時時舞，自在嬌鶯恰恰啼。

不是愛花即欲死，只恐花盡老相催。繁枝容易紛紛落，嫩葉商量細細開。

欽定四庫全書

黃自商人題

春水二絕

二月六夜春水生，門前小灘渾欲平。鵝鵝鵝鵝莫漫喜，吾與汝曹俱眼明。

一夜水高二尺強，數日不可更禁當。南市津頭有船賣，無錢即買繫籬傍。

官池春鴈二首

自古稻粱多不足，至今鴻鵠亂為羣。且休悵望看春水，更恐歸飛隔暮雲。

青春欲盡急還鄉，紫塞寧論尚有霜。翅在雲天終不遠，力微繒繳絕須防。

中丞嚴公雨中垂寄見憶奉荅二絕

雨映行宮辱贈詩，元戎肯赴野人期。江邊老病雖無力，強擬晴天理釣絲。

何日雨晴雲出溪，白沙青石洗無泥。只須伐竹開荒徑，拄杖穿花聽馬嘶。

謝嚴中丞送青城山道士乳酒

欽定四庫全書

黃自商人題

山瓶乳酒下青雲，氣味濃香幸見分。鳴鞭走送憐漁父，洗盞開堂對馬軍。

得房公池鵝

房相西亭鵝一群，眠沙泛浦白於雲。鳳凰池上應迴首，為報籠隨王右軍。

戲作寄上漢中王二首

王新詠
明珠

雲裏不聞雙鴈過，掌中貪見一珠新。秋風嫋嫋吹江漢，只在他鄉何處人。

謝安舟楫風還起梁苑池臺雪欲飛杳杳東山攜漢妓
泠泠脩竹侍王歸

投簡梓州幕府兼簡韋十郎官

幕下郎官安穩無從來不奉一行書固知貧病人須棄
能使韋郎跡也踈

荅楊梓州

悶到房公池水頭坐逢楊子鎮東州却向青溪不相見
回船應載阿戎游

欽定四庫全書

卷一

惠義寺園送辛員外

朱櫻此日垂朱實郭外誰家負郭田萬里相逢貪握手
高才仰望足離筵

乞大邑瓷盃

大邑燒瓷輕且堅扣如哀玉錦城傳君家白盃勝雨雪
急送茅齋也可憐

奉和嚴鄭公軍城早秋

秋風嫋嫋動高旌玉帳分弓射敵營已收滴博雲間戍

更奪蓬婆雪外城

絕句四首

堂西長笋別開門
暫北行椒却背村
梅熟許同朱老喫
松高擬對阮生論

欲作魚梁雲復湍
因驚四月雨聲寒
青溪先有蛟龍窟
竹石如山不敢安

兩箇黃鸝鳴翠柳
一行白鷺上青天
窗含西嶺千秋雪
門泊東吳萬里船

欽定四庫全書

卷一

藥條藥甲潤青青
色過棕亭入草亭
苗滿空山慙取譽
根居隙地怯成形

李司馬橋了承高使君自成都回

向來江上手紛紛
三日功成事出羣
已傳童子騎青竹
總擬橋東侍使君

漫成一絕

江月去人只數尺
風燈照夜欲三更
沙頭宿鷺聯拳靜
船尾跳魚撥刺鳴

承聞河北諸道節度入朝歡喜口號絕句十二首

祿山作逆降天誅更有思明亦已無
洵人寔猶不定時時鬪戰欲何須

社稷蒼生計必安將軍跋扈錯相干
周宣漢武今王是孝子忠臣後代看

喧喧道路多誣謠河北將軍盡入朝
始是乾坤王室正却教江漢客魂銷

欽定四庫全書

卷一

九

不道諸公無表來茫然庶事遣人猜
擁兵相學干戈銳使者徒勞百萬回

鳴玉銜金盡正臣修文偃武不無人
與王會靜妖氛氣聖壽宜過一萬春

英雄見事若通神聖哲為心小一身
燕趙休矜出佳麗宮闈不擬選才人

抱病江天白首郎空山樓閣暮春光
衣冠是日朝天子草奏何時入帝鄉

澶漫山東一百州削成如按抱青丘
苞茅重入歸闕內王祭還供盡海頭

東逾遼水北滹沱星象風雲喜共和
紫氣關臨天地間黃金臺貯俊賢多

漁陽突騎邯鄲兒酒酣並轡金鞭垂
意氣即歸雙闕舞雄豪復遣五陵知

李相將軍擁薊門白頭雖老赤心存
竟能盡說諸侯入知有從來天子尊

欽定四庫全書

卷一

十

十二年來多戰場天威已息陣堂堂
神靈漢代中興主功業汾陽異姓王

喜聞盜賊蕃寇總退口號五首

蕭關隴水入官軍青海黃河卷塞雲
北極轉愁龍虎氣西戎休縱敵仇羣

贊普多教使入秦數通和好止煙塵
朝廷忽用哥舒將殺伐虛悲公主親

崆峒西極過崑崙駝馬由來擁國門
逆氣數年吹路斷

蒼人閑道漸星奔

勃律天西采玉河堅昆碧益最來多舊隨漢使千堆寶

少荅胡王萬匹羅

今春喜氣滿乾坤南北東西拱至尊大厯三年調玉燭

玄元皇帝聖雲孫

存歿口號二首

席謙不見近彈碁畢耀仍傳舊小詩玉局他年無限笑

白楊今日幾人悲

道士席謙善彈碁故曰玉局

欽定四庫全書

蘇軾詩集卷一

鄭公粉繪隨長夜曹霸丹青已白頭天下何曾有山水

人間不解重驂駟

高士榮陽鄭虔善畫山水曹善畫馬也

上卿翁請修武侯廟遺像缺落時崔卿權夔州

大賢為政即多聞刺史真符不必分尚有西郊諸葛廟

臥龍無首對江濱

解悶十二首

草閣柴扉星散居浪翻江黑雨飛初山禽引子哺紅果

溪女得錢留白魚

商胡離別下揚州憶上西陵故驛樓為問淮南米貴賤老夫乘興欲東流

一辭故國十經秋每見秋瓜憶故丘今日南湖采薇蕨

何人為覓鄭瓜州

沈范早知何水部曹劉不待薛郎中獨當省署問文苑

兼泛滄浪學釣翁

李陵蘇武是吾師孟子論文更不疑一飯未曾留俗客

數篇今見古人詩

欽定四庫全書

蘇軾詩集卷一

復憶襄陽孟浩然清詩句句盡堪傳即今者舊無新語

漫釣槎頭縮項鰖

陶冶性靈存底物新詩改罷自長吟孰知二謝將能事

頗學陰何苦用心

不見高人王右丞藍田丘壑漫寒藤最傳秀句寰區滿

未絕風流相國能

先帝貴妃今寂寞荔枝還復入長安矣方每續朱櫻獻

玉座應悲白露團

憶過瀟湘摘荔枝青楓隱映石逶迤京中舊見君顏色
紅顆酸甜只自知

翠爪碧李沉玉梵赤梨蒲萄寒露成可憐先不異枝蔓
此物娟娟長遠生

側生野岸及江蒲不熟丹宮滿玉壺雲縹布衣鮑肯元
勞生重馬翠眉須

夔州歌十絕句

中已之東已東山江水間開流其間白帝高為三峽鎮

欽定四庫全書

夔州府志

十三

夔州險過百牢關

白帝夔州各異城蜀江楚峽混殊名英雄割據非天意

霸主并吞在物情

羣雄競起問前朝王者無外見今朝比訝漁陽結怨恨

元聽舜日舊蕭韶

赤甲白鹽俱判天閭閻繚繞接山巔楓林橘樹丹青合

複道重樓錦綉懸

瀼東瀼西一萬家江北江南春冬花背飛鶴子遺瓊葉

相趣鳬鵠入蔣牙

東屯稻畦一百頃北有澗水通青苗晴浴狎鷗分處處

而隨神女下朝朝

蜀麻吳鹽自古通萬斛之舟行若風長年三老長譚裏

白晝攤錢高浪中

憶昔咸陽都市合山水之圖張賣時巫峽曾經寶屏見

楚宮猶對碧峰疑

武侯祠堂不可忘中有松柏參天長干戈滿地客愁破

欽定四庫全書

夔州府志

十四

雲日如火炎天涼

閨風玄圃與蓬壺中有高堂天下無借問夔州壓何處

峽門江腹擁城隅

書堂飲既夜復邀李尚書下馬月下賦絕句

湖水臨風相與清殘燭下馬復同傾久拚野鶴如霜鬢

遮莫鄰雞下五更

戲為六絕句

庾信文章老更成凌雲健筆意縱橫令人嗤點流傳賦

不覺前賢畏後生

王楊盧駱當時體輕薄為文哂未休爾曹身與名俱滅
不廢江河萬古流

縱使盧王操翰墨劣於漢魏近風騷龍文虎脊皆君取
歷塊過都見爾曹

才力應難跨數公凡令誰是出羣雄或看翦翠蘭若上
未掣鯨魚碧海巾

不薄今人愛古人清詞麗句必為隣竊攀屈宋宜方駕

欽定四庫全書

萬首唐人絕句
卷一

十五

恐與齊梁作後塵

未及前賢更勿疑述相祖述復先誰別裁偽體親風雅
轉益多師是汝師

少年行二首

莫笑田家老瓦盆自從盛酒長兒孫傾銀注瓦驚人眼
共醉終同卧竹根

巢燕養雛渾去盡江花結子已無多黃衫年少來宜數
不見堂前東逝波

欽定四庫全書

萬首唐人絕句
卷一

十六

萬首唐人絕句卷一

欽定四庫全書

萬首唐人絕句卷二

宋 洪邁 編

七言

結襪子

李白

燕南壯士吳門豪
筑中置鉛魚隱刀
感君恩重許君命
太山一擲輕鴻毛

已陵贈賈舍人

欽定四庫全書

萬首唐人絕句
卷二

賈生西望憶京華
湘浦南還莫怨嗟
聖主恩深漢文帝
憐君不遣到長沙

送賀賓客歸越

鏡湖流水漾清波
狂客歸舟逸興多
山陰道士如相見
應寫黃庭換白鵝

送韓侍御之廣德令

昔日繡衣何足榮
今宵貫酒與君傾
暫就東山賒月色
酣歌一夜送泉明

送外甥鄭濯從軍三首

六博爭雄好彩來
金盤一擲萬人開
大夫賭命報天子
當斬仇讎衣錦回

丈八蛇矛出隴西
彎弧拂箭白猿啼
運籌必用龍韜策
積甲應將熊耳齊

月蝕西方破敵時
及瓜歸日未應遲
麾旌血染黃河水
梟首當懸白鵝旗

長門怨

欽定四庫全書

萬首唐人絕句
卷二

桂殿長愁不記春
黃金四屋起秋塵
夜懸明鏡青天上
獨照長門宮裏人

酬崔侍御

嚴陵不從萬乘遊
歸卧空山釣碧流
自是客星辭帝坐
元非太白醉揚州

崔詩云天外常求太白
老全陵收得酒仙人

送孟君之廣陵

故人西辭黃鶴樓
煙花三月下揚州
孤帆遠影碧山盡
唯見長江天際流